

PLUMA ETA TINTA

Errege batek pluma
zubenean artu,
eta tinta onziyan
bustitzeko sartu,
urgulloz beterikan
plumak zuben esan:
—nik bear det errege
emen sarri izan;
jaun onek izena du
parako nerekin,
eta nola dan joango
firma berarekin,
nonai gertatuko naiz
errespetatuba,
erregetzat nazio
denetan artuba.
—Eztu orrek balio
esan zion tintak,
geiago balioko
baitu nere pintak;
zu gordeko zerata
ni naiz ikusiko,
mundubak diraun arte

bainaiz ni biziko:—
eta ontan errege
paper baten billa
zebillela, aurrean
irukirik milla,
tinta onziya bera
ukalondoz jota,
zuben paper gañera
tinta dena bota;
eta lan ura ala
zunean ikusi,
errabiz maya jota
pluma zuben autsi.

.

Askotan da gurekin
au bera gertatzen,
kartakin gaztelubak
ditugula jartzen;
eta aize piskacho
bat bada etortzen,
gaztelu kartazkoak
dirala erortzen.